

Ա. Ս. ՊՈՒՇԿԻՆԻ ՄԱՀՎԱՆ 150-ԱՄՅԱԿԻ ԱՌԹԻՎ

Սույն թվականի փետրվարի 2-ին և 3-ին ՀՍՍՀ ԳԱ Մ. Արեղյանի անվան գրականության ինստիտուտի նիստերի ղափկում տեղի ունեցավ ռուս մեծ բանաստեղծ Ա. Ս. Պուշկինի մահվան 150-ամյակին նվիրված գիտական նստաշրջան, որ կազմակերպել էին ՀՍՍՀ ԳԱ Մ. Արեղյանի անվան գրականության ինստիտուտը և Հայաստանի գրողների միությունը:

Նստաշրջանը ներածական խոսքով բացեց ինստիտուտի տնօրեն, ՀՍՍՀ ԳԱ ակադեմիկոս էդ. Ջրբաշյանը: Հանգամանորեն ներկայացնելով Պուշկինի ստեղծագործության պատմական և արդիական նշանակությունը ռուս և համաշխարհային մշակույթի համապատկերում՝ նա մասնավորապես նշեց. «Մեկ ու կէս դարի հեռավորությունից այսօր շատ ավելի հստակ է երևում Պուշկինի ոչ միայն համաշխարհային, այլև համաշխարհային մեծությունը: Պուշկինը եղել և մնում է ռուսական գեղարվեստական խոսքի բարձրագույն տիպար, կենսական ճշմարտության և բանաստեղծական կատարելության, պարզության և խորության, ստեղծագործական ներդաշնակության անգերադանց օրինակ: Պուշկինը միշտ մեր առջևում է: Մենք անընդհատ մերձենում ենք նրան, բայց երբեք չենք սպառում նրա իմաստության և գեղեցկության հմայքը: Պուշկինյան առողջ և ողջախոհ պոեզիան, մարդասիրական պայծառ ներշնչանքները և բարոյագեղագիտական իդեալը այսօր մեզ օգի պես անհրաժեշտ են: Պուշկինը ոչ միայն հանրագումար էր, այլև՝ հետագա զարգացման հզոր խթան: Նրա ստեղծագործական փորձն ու ավանդույթները ուղղակի կամ միջնորդավորված ձևով կանխորոշել են աղագային գեղարվեստի ամբողջ հետագա ճակատագիրը: Նա դրեց այն բոլոր հիմքերը, որոնք նախապատրաստեցին XIX—XX դդ. ռուս մեծ գրականության համաշխարհային ճանաչումն ու նշանակությունը: Մենք այսօր էլ կարող ենք կրկնել Բելինսկու այս բռնի, թե՛ գրել Պուշկինի մասին՝ նշանակում է գրել ամբողջ ռուս գրականության մասին՝ ակունքներից մինչև մեր օրերը»:

«Ժամանակակից պուշկինագիտության պրոբլեմները» թեմայով զեկուցեց բանասիրական գիտությունների դոկտոր Ս. Գուլակյանը: Պուշկինի ստեղծագործության ուսումնասիրության ներկա շրջափուլը ընթանում է մի կողմից նախորդ շրջափուլի գրականագիտության նվաճումների, կուտակած փորձի, ավանդների յուրացման և դրանց նորովի իմաստավորման, մյուս կողմից գրականագիտական նոր դիտանկյունների լույսի ներքո գրողի գեղարվեստական համակարգի վերլուծության ուղիով: Վերլուծական նոր մեթոդների ու եղանակների կիրառությունը նոր շրջափուլում բացահայտում է մեծ գրողի ստեղծագործության նորանոր շերտեր, որոնք մինչ այդ աննկատ էին մնացել ավանդական գրականագիտության մեջ:

«Հայկական անդրադարձումները Պուշկինի ստեղծագործության մեջ» զեկուցումով հանդես եկավ բանասիրական գիտությունների դոկտոր, պրոֆեսոր Պ. Հակոբյանը: Գիտական ներկայացրեց այն փաստերը, որոնք վկայում են մեծ բանաստեղծի և հայազգի գործիչների զանազան հարաբերությունների ու կապերի մասին և վերջիններիս խաղացած ուղղակի կամ անուղղակի դերը գրողի ստեղծագործական կյանքում: Իր ստեղծագործական կյանքի հանապարհի ս հարավային Ռուսիայում ու Կովկասում թափառումների տարիներին Պուշկինը հանդիպել է բազմաթիվ հայերի, որոնցից ստացած տպավորությունները արտացոլված են նրա արձակ ու չափածո երկերի և հնօրյա հուշագրությունների մեջ: Պուշկինը հիացմունքով է խոսել լիարժեք ու հեղինակալի Աննա Արամեյիսյանցի մասին:

1820 թ. Պուշկինը այցելում է Կովկաս, իսկ 1829 թ.՝ Հայաստան: Առաջին այցելության արդյունքն են լինում «Բուլի ստեղծագործական կյանքում ռոմանտիզմի շրջանը» նշանավորող ստեղծագործությունները, իսկ Հայաստանում ճամփորդելուց հետո գրողը իր տպավորությունները գրի է առնում «Ճանապարհորդություն դեպի Արդրում» ուղեգրական երկում, որտեղ բազմաթիվ վկայություններ կան հայերի և Հայաստանի մասին: Ահա այս ուղեգրությունների հետ-

յապված զանազան խնդիրներին էին նվիրված րանասիրական գիտությունների թեկնածու Ղ. Այվադյանի (Պուշկինի առաջին այցելությունը 'Պուշկին) և րանասիրական գիտությունների թեկնածու Յու. Կզանյանի (Հայաստանը Պուշկինի «Հանապարհորդություն դեպի Արդրում» գրքում») զեկուցումները:

«Ժողովրդայնության պրոբլեմը Պուշկինի և Բումանյանի ըմբռնմամբ» թեմայով զեկուցում կարդաց րանասիրական գիտությունների թեկնածու Ա. Կիլիպաշյանը: Դեռ 1910-ական թթ., — նշեց նա, — Բումանյանին համեմատում էին Պուշկինի հետ, և այդ համեմատությունը միանգամայն հիմնավոր էր: Նրանցից յուրաքանչյուրը իր աղջկային գրականության մեջ գրավում էր մի այնպիսի տեղ, որ այլևս անկրկնելի էր մնալու: Գրականության դարգացման հետագա ընթացքում Պուշկինին և Բումանյանին կապող գլխավոր ընդհանրությունը ժողովրդականության բնույթն էր: Պուշկինը և Բումանյանը անգերազանցելի խորությամբ արտահայտեցին իրենց ժողովուրդների ոգին ու աշխարհագրագիտությունը:

«Բանաստեղծները Պուշկինի զոհվելու մասին» թեմայով հանդես եկավ րանասիրական գիտությունների դոկտոր Վ. Գրիգորյանը: Մեծ գրողի ողբերգական մահը մշտապես եղել է ռուս րանաստեղծների սեփական ուշադրության կենտրոնում, նրանք տարբեր առիթներով անդրադարձել են դրան՝ իրենց դիտանկյունից իմաստավորաբար: Այս Պուշկինի մահը րանաստեղծների համար ավելի շատ խորհրդանշական իմաստ է ձեռք բերել, այն դիտվել է առաջավոր անհատի և պատմական ժամանակաշրջանի բախման, գրողի զոհվելու ճակատագրի և ճշմարտության հաղթանակի խորհրդանշել: Մ. Լեոնովը, Բ. Պաստեռնակը, Ա. Ախմատովան, Մ. Ցվետանան, Ե. Եվտուշենկոն և այլք յուրովի մշակելով այդ թեման՝ Պուշկինի ողբերգական վախճանի մեջ տեսել են բարոյական կայուն և ճշմարիտ դիրքորոշման մի այնպիսի չափանիշ, որ պարտադիր է ամեն մի իսկական րանաստեղծի համար:

«Ավետիք Իսահակյանը և Պուշկինը. դասական ավանդույթի յարգացումը» թեմայով զեկուցեց րանասիրական գիտությունների թեկնածու Ավ. Նսուխյանը: Իսահակյանի ստեղծագործական կյանքում Պուշկինը համաշխարհային պոեզիայի ավանդների մարմնացում էր: Իսահակյանին առավել հարգատեղ էին Պուշկինի վաղ շրջանի ռոմանտիկական, օրայրոյան ոգով գրված ստեղծագործությունները: Իսահակյանին հաջա-

գատ էին Պուշկինի խոհափոխության ստեղծագործությունները, որոնց մեջ արտահայտված են կյանքի անցողիկության, կյանքի ու մահվան գոտեմարտի հավերժական խնդիրները: Պուշկինը հայտնի էր որպես աշխարհի ազատաշունչ ժողովուրդների մեծ բարեկամ: Նա ներթողել է հույների, սլավոնների, սերբերի, բուլղարների ազատագրական պայքարը օսմանյան լծի դեմ: Իսահակյանը այդ ստեղծագործությունները դիտել է որպես ուղեբձներ՝ ուղղված հայ ժողովրդին:

Պուշկինի քնարի հանդեպ Եղիշե Չարենցի վերաբերմունքի մասին զեկուցումով հանդես եկավ րանասիրական գիտությունների թեկնածու Աննա Կիտ Չարենցը: Նա նշեց, որ Չարենցը ողջ ստեղծագործական կյանքի ընթացքում ռուս րանաստեղծը՝ «պոետներից ամենապայծառն ու վսեմը», եղել է նրա սեփական ուշադրության կենտրոնում: Պուշկինը Չարենցի համար չափանիշ էր «արվեստի կատարելության» Սովետական գրականության ձևավորման հենց սկզբից Չարենցը գտնում էր, որ «Պուշկին ստեղծագործողի ու մտածողի ժառանգությունը յուրացնելով միայն մեր պոեզիան կարող է դուրս գալ ստեղծագործական-ֆորմալիստական կարգի որոնումների փակուղուց և թեկնել իսկական խորհրդային գրականության, սոցիալիստական ռեալիզմի գրականության լայն ճանապարհ: Առանց Պուշկինի այդ հարցը չի կարելի լուծել: Պուշկինի պոեզիան Չարենցի համար ոչ միայն բնօրինակ էր իսկական արվեստի, այլև ներշնչանքի աղբյուր: Այս առումով, րանաստեղծական ձևերի և գաղափարների բազմաթիվ մերձեցման եզրեր ունեն երկու մեծ գրողները: Իր ստեղծագործության վերջին շրջանում (1935—1937) Չարենցը հարյուր տարի անց նույն հոգեբանական-ստեղծագործական առեղծվածների առաջ է կանգնում՝ հայտնվելով մարդկային նույնանման փոխհարաբերությունների ոլորտում, ինչ Պուշկինը իր կյանքի վերջին շրջանում: Չարենցը զուգահեռում է իր և Պուշկինի մարդկային ճակատագրերը որպես անարդարության զոհերի, բայց և՛ ճշմարտության նահատակների:

«Պուշկինի ռեալիզմի բնութագրման շուրջը» թեմայով զեկուցում կարդաց րանասիրական գիտությունների դոկտոր Ե. Ալեքսանյանը:

Նստաշրջանի վերջում Պուշկինից կատարած իր նոր թարգմանությունները կարդաց րանասիրական գիտությունների դոկտոր Լ. Ասմարյանը:

Գ. Է. ԳԱՍՊԱՐՅԱՆ